



江蘇省地方志編纂委員會辦公室 編

江蘇歷代方志全書

88



江蘇省地方志編纂委員會辦公室編



鳳凰出版社

江蘇歷代方志全書

88

蘇州府部

ISBN 978-7-5506-2317-0



圖書在版編目（C I P）數據

江蘇歷代方志全書. 蘇州府部 / 江蘇省地方志編纂
委員會辦公室編. — 南京 : 鳳凰出版社, 2016. 7
ISBN 978-7-5506-2317-0

I. ①江… II. ①江… III. ①江蘇省—地方志 IV.
①K295.3

中國版本圖書館CIP數據核字(2016)第131080號

書 名 江蘇歷代方志全書·蘇州府部
編 者 江蘇省地方志編纂委員會辦公室
責 任 編 輯 王 劍 王愛榮 吳 瓊 顧 娟 崔廣洲
裝 幀 設 計 姜 嵩
出 版 發 行 鳳凰出版傳媒股份有限公司
鳳凰出版社(原江蘇古籍出版社)
發行部電話 025-83223462
出版社地址 南京市中央路165號, 郵編: 210009
出版社網址 <http://www.fhcbs.com>
印 刷 揚州文津閣古籍印務有限公司
揚州市開發區鴻揚路22-2號(6幢), 郵編: 211153
開 本 889×1194毫米 1/16
印 張 3253.25
版 次 2016年7月第1版 2016年7月第1次印刷
標 準 書 號 ISBN 978-7-5506-2317-0
定 價 79200.00圓(全九十九冊)
(本書凡印裝錯誤可向承印廠調換, 電話: 0514-87969255)

乾隆崑山新陽合志(二)



(清)	(清)
鄒召南	鄒召南
張予介	張予介
王峻	王峻
顧登纂	顧登纂
顧惇量	顧惇量

第八十八冊目錄

乾隆崑山新陽合志（二）	〇〇一
道光崑山新兩縣志（一）	二九一

崑山新陽合志卷第二十一

列傳三

明之

朱熙洽字鴻甫號明山矜慎方嚴不能與時俯仰爲諸生三十年以歲貢中萬歷癸酉順天鄉試明年登進士授潛江知縣縣故土城當漢水下流善崩潰當改築而費無所出邑之四境與鄰壤犬牙錯其田有藩封有軍屯又別隸各河泊所爲漁課漁課又輸旁州縣募不可理然漁賦僅十一豪民乘貧民求售往往以民田約以漁田劑遂多田去賦存按籍責償卽逋逃以免熙洽矍然曰吾知所以築城矣爲設方略請之當道於是清田之日新陽合志

卷二十一

人物列傳

一

議興屬里宰履畝而溝封之凡屬藩府者軍屯者按籍各歸其故又以漁課歸之鄰而民間之田盡出因令民得入貲自占積金萬餘卽興役築城易土以甓無加賦無擾民四閱月而事竣遷南昌府同知調辰州在南昌辨豪右僞券在辰州清鹽木二稅並爲人所稱入爲刑部員外郎出爲福建僉事晉參議陞貴州副使皆以清嚴著後謝政歸熙洽才識練達精力強固嘗語人曰吾三日不視事則神不凝一日課數十事則手足矜奮腰臂有力故艾年服官至老不倦皆晚成之效也年八十卒

三卒

王志堅張大復二傳

張棟字伯任號可菴士淪子廩身秀目談論斬然萬歷丁

丑登進士授新建知縣縣多黠吏棟廉得一二榜諸市重者至死邑人震懾清田議起躬行相度以故額六十則徒滋奸弊盡去之而定上中下三等遂爲永利徵授工科給事中力言江西燒造之苦上爲減其半又請盡蠲天下逋租格不行時蠲租相沿但蠲存留不及起運棟請無拘故事從之遷刑科給事中吳中白糧爲累民承役輒破家棟請令出貲助漕舟附載申時行王錫爵絀其議棟遂移疾歸庚寅起兵科都給事中劾去南京戶部尚書張西銘刑部侍郎詹仰庇軍政拾遺劾參順侯吳繼爵宣城伯衛國本忻城伯趙泰修錦衣掌印柏子祥宣鎮總兵李迎恩繼爵留餘並罷又言邊臣敘

崑山新陽合志

卷二十一

二

功不宜及內閣部科帝亦從焉洮河用兵議遣廷臣分閱邊鎮棟掌科例不應遣政府以中旨命往固原棟單騎馳閱時經略鄭洛方議和棟疏言繕力克負固不歸卜失免傑黜如故火落出真相雄據海上不可使洛委責以去因論兵部尚書王一鸚會一鸚已卒洛亦報摺力克東歸遂寢其奏棟又言洮河失事陛下赫然震怒命洛視師豈止欲其虛辭媚敵博一順義東歸畢事耶今火真依海爲窟出沒自如不宜敘將吏功疏上報聞二十年正月禮科都給事中李獻可以儲位永定偕六科諸臣上疏請豫教元子帝怒貶獻可秩調外餘奪俸棟與諸科臣各上疏救帝益怒並削籍旣歸奉母孝養

備至有語及朝政者笑不答臺使及長吏皆敬棟凡利病興革必諮焉母卒棟年已六十毀瘠廬墓疾作醫者勸進酒食棟執不可竟卒於墓所天啓中詔錄直言贈太常少卿予祭季子丙字幼文郡諸生秉性孤潔不取不與斬然自守每云丈夫不因人熱亦不受人憐吾未能中行且爲獨士願其齋曰以次晚遭世變益杜門韜匿衣布食蔬勤修苦學以卒

明史參張大復葉均禧二傳

張文柱字仲立號漠池棟弟幼雋才年十二賦關山月詩衆皆奇之及長秀穎能文與兄棟齊名其敏給應變棟自謂弗如也巡按御史邵陞素稱知人得其文謂當今無輩待以殊禮由是試輒冠諸生然大試屢蹶萬厯

崑山新陽合志

卷二十一 人物列傳 三

戊子始舉順天鄉試試禮部又不利謁選得臨清知州州爲南北之衝五方雜處狡獪之徒窟穴爲奸利文柱念欲省事莫如勵精乃取許者千牘批其不直者九百餘紙而存其直者卽日爲之判決黜吏束手有秦氏嫠婦者家鉅富族人將發其陰事以分其業挾當道書屬備兵使者使者就謀之文柱曰此陰事也以族人一言而批決之非長者事也使者出當道書示之不爲動乃止在州凡四年治聲聞遠近竟以積勞暴卒文柱有至性母柴孺人素嚴獨能得其歡心與兄棟約他日貴顯當更互出入無使慈幃有陟屺之歎後棟以言事罷歸文柱乃出仕卒如其約張氏自新城令能以下有三張

先生遺詩僉憲寬有歸閑集孝廉廷臣有玉山草堂集贈君士淪有張心甫集俱棟訂定棟文柱並有集凡七世八人

王世貞志堅張大復二傳

李同芳字濟美號晴原父棠以孝友著里中稱懷石先生同芳生而嚴正有度爲文必法古人隆慶初貢入太學萬厯庚辰舉禮部第二人授刑部主事尚書嚴清器重之遷禮部歷員外典乙酉楚試進郎中時上將幸山西覆閱慈寧壽宮舊例費鉅萬同芳曰禮官不止游幸更導之耶爲削去煩例上之出爲浙江提學副使絕造請精藻鑑所拔多名士陞湖廣荆南道叅政清澧州浮糧三千石却標兵操賞餘銀三百六十兩止征播調發

崑山新陽合志

卷二十一 人物列傳 四

人雪冤辟張福祖等七命陞貴州按察使黔安氏方強請與太守班見叱之出使班戶候又請復定番新貴故疆片言折之不敢仰視其庶孽安國員以困辱來歸同芳力請巡撫勿受後跳入西州酋以索叛人爲辭殺蜀民六萬餘而黔獨晏然改廣東叅政再進按察使會稅礦兩瑞在粵議增稅六十餘條同芳執不可新會令阿瑞指致民變揭竿者萬人同芳單車定之陞山東右布政使覈登萊民屯以抵兵餉歲減編四萬有奇立常平倉捐俸薪贖緩買穀十萬石貯之乙卯大飢民賴以濟擢副都御史巡撫山東是時福王封於洛陽賜莊田四萬頃詔覈涇漢故籍以充之同芳按視則皆民田或

請割湖塢與之則昭陽湖直運道田之且阻運抗疏力爭不報遂請告歸已而上思其言卒寢前議東人賴之同芳存心仁恕而大節所在侃然不回旋里後杜門却掃寂如寒素門生故吏部吳者相望絕無干請每出俸餘爲同產治生族之窮乏者咸仰其賙助卒贈右侍郎予葬祭子允昌董志稿

顧紹芳字實甫號學海章志子萬歷丁丑進士選庶吉士大學士王錫爵器重之會父請告家居紹芳亦移疾歸侍已起補檢討父喪歸服除赴京進經筵日講官遷左春坊左贊善復移疾歸不兩年卒年四十七紹芳九歲喪母事繼母孫至孝孫虔事佛欲至五臺山禮文殊或

崑山新陽合志

卷二十一 人物列傳

五

言迂道遠遊以禮文殊爲名恐爲君累紹芳重違母意竟奉以行繼母生二子紹芾紹芬小於紹芳十餘歲紹芳弟畜而師教之與從兄紹夔友愛尤篤性廉一介不苟取里人有暮夜懷金以居閒請者峻却之獨好行義嘗立義學以教族人又出私囷若干爲助役倡人以此益賢之所著有瑤菴集子同德同應王志堅傳

徐應聘字伯衡號端銘曾祖中祖一元應聘生而謹敏十二應童子試縣令王用章一見歎異許以玉堂中人萬歷癸未成進士選庶吉士授檢討在館搜討昭代大禮大政嘗條議西北水利鑿鑿可見施行座主沈鯉在禮部政府忽召應聘語多侵鯉山爲鯉言之且勸之退鯉

遂引去癸巳京察中蜚語當謫拂衣歸座主沈一貫當國欲招之不出家居十餘年丙午始起行人司副進尚寶司丞庚戌陞光祿少卿寺多浮費一意釐飭中官關請槩謝不行所省冒破以數萬計丙辰晉太僕少卿時寺官俱缺並縮四篆聞馬措餉日無寧晷以勞得疾卒年六十三應聘孝友性成七歲時見父以歲稔爲憂輒流泣廢食與弟幼同寢弟病常以身掖之後在京聞弟訃哭之至嘔血其內行醇美如此張大復傳家傳合纂

諸壽賢字延之號敬齋本姓朱洪武初避國姓改諸世居瀾漕壽賢生而不凡六歲入小學卽龔宣聖像危坐對之十三能文章萬歷丙戌成進士上疏願放歸田力學

崑山新陽合志

卷二十一 人物列傳

六

十年然後從政章下所司寢不奏南畿督學御史德清人房寰疏詆都御史海瑞同年生顧允成偕壽賢及彭遵古抗疏劾之言寰妬賢醜正不復知人間羞恥事臣等自幼讀書卽知慕瑞以爲當代偉人寰大肆貪汙間瑞之風宜愧且死反敢造言逞誣臣等所爲痛心因劾其欺妄七罪政府庇寰謂三人不當出位妄奏奪官帶還家省愆三年起南陽教授勸學興禮以躬行爲諸士先入爲國子助教擢禮部主事戚畹中貴干請輒拒之時趙志臯在政府與兵部尚書石星皆唯阿充位壽賢劾奏之直聲振朝廷移書王錫爵論冊立東宮事尤剴切既見時事日非移疾歸訓誨後學多所成就蔡懋德

俞琬綸朱大典王騰程告其弟子也壽賢豐頤偉幹日可噉粥數十器而性簡淡無他嗜好凡地方利弊民間枉滯知無不言郡縣大夫重其名德咸敬信之晚年專意復性之學築室寶華山中纂述周易自謂有得疾作絕筆於蹇年七十有一崇禎初贈尚寶司丞明史參董志稿

王臨亨字止之光州守三錫孫萬歷己丑進士授西安知縣邑多盜立叅伍法相鈎詰盜無所容鞠獄輒得其真民不敢欺有女未嫁者一少年求之不得訟以娶而更嫁婚書媒妁悉具臨亨呼女前與語良久遽詰少年而妻有患在手左平右乎少年愕然無以應又有被盜者誣其弟之婚以所遺衣履為証臨亨曰暑月為盜胡用

崑山新陽合志

卷二十一 人物列傳

七

衣履誣者服甲與乙醉毆於山趾無何甲死而賢有傷臨亨辨其賢中石非石中賢乙得末減其聽斷多類此以海上多警調知海鹽至則急繕城垣公帑不足取之俸環不費民間一錢嘗躬行版鋪役夫悞觸其冠顧勞以錢曰若真力作者役人皆奮邑有結黨稱十龍者橫甚廉得其殺人狀相繼答死豪強屏息以失一權貴意僅遷刑部主事恤刑廣東故事減大辟不得過百人臨亨平反至二百餘人吏執案請臨亨曰我知活人耳寧計駁耶高凉有盜珠者中官張其事坐六十人劫盜俱論死巡按御史不能收還以屬臨亨臨亨念激之則相持益堅乃故為好言以動之中官果喜六十人俱得減

死御史歎曰非吾所及也遷雲南司郎中掌都下獄提騎羅織希功賞臨亨分別輕重多所寬釋一時都人語曰遇蘇人則生謂臨亨與同舍郎嚴激也出為杭州知府未抵任疾作自草墓誌談笑而逝年四十八臨亨為人孝友內行修整平居恂恂言不出口至為吏則精明振作發摘奸伏如神亦天性也子三志堅志長志慶鄉人稱為一鳳三雛云文震孟大復各誌傳合纂

葛錫璠字中恬號魯生祖緯父應元錫璠少穎悟善屬文萬歷丁酉年十九舉於鄉辛丑成進士授刑部主事遷員外郎有兵部尚書私人受戎帥賄事露屬刑部曲庇之錫璠執不可卒按以法尚書引去出為竟州知府甫

崑山新陽合志

卷二十一 人物列傳

八

下車歲旱民飢力請賑濟躬歷二十七城全活甚眾諸生之貸粟於倉而不能還者為區畫代償魯邸在竟州縣徵解藩祿不時貧宗坐困錫璠嚴為立限按期給之其宗人之撓法者督治不少貸他善政甚多去竟之日涕泣送者塞路擢河南按察副使福王定封雒陽中朝國本議起皆願王早就國而時方營藩府錫璠董其役晝夜經營刻期而就及王之國貂璫塞路從者多擾民錫璠管其尤者一二二人乃不敢動有詔賜福邸莊田十萬畝必取稅之不入者合三省給之奸民有借警家田投牒縣官者錫璠立置諸法靈寶盜聚黨千人將為亂密授方畧殲其渠魁餘黨散走中州以安進山東竟西

道參政未行陞河南按察使聞父病亟請終養歸錫璫
性恬素門庭肅然邑中言法者必推葛氏卒贈太常
寺卿子八人鼎鼐熏鼎燦爛鍾鐘董志

王志堅字淑士初字弱生號聞修萬歷庚戌進士授南京
兵部車駕主事歷員外郎郎中遷貴州提學僉事不赴
乞侍養歸天啓二年起督浙江驛傳奔母喪歸崇禎四
年復以僉事督湖廣學政六年卒於官志堅少與嘉定
李流芳同研席爲詩文已知法唐宋名家官南部時要
諸同舍郎爲讀史社九日誦讀一日講貫訖訖如諸生
時少間借金陵焦氏藏書繕寫勘讐盈箱堆几通籍二
十餘年服官僅七載謝病家食小居吳門古南園杜門
崑山新陽合志 卷二十一 人物列傳 九

却埽肆志讀書而其讀書最爲有法先經而後史先史
而後子集其讀經先箋疏而後辨論讀史先證據而後
發明讀子則謂唐以後無子當取說家之有裨經史者
以補之讀集則定秦漢以後古文爲五編尤用意于唐
宋諸家碑誌援據史傳撫採小說以參覈其事之同異
文之純駁蓋深痛嘉隆以來俗學之敝而又恥與之爭
務以編摩繩削爲易世之質的其自任最重居官執法
屹然如山南駕部典司勘合不以片紙假人所至守律
令謝請託理冤抑問疾苦手削爰書雖老于文法者無
以過其在浙也議鹽法者欲行溫州票鹽以佐餉議水
利者欲盡廢諸壩客艘直達會城皆名美而實不便力

陳其不可而止督楚學時惇行崇禮好古教化禮部方
舉爲海內學政第一而竟以勤其官殞年五十八

銘其墓稱爲文學政事彬彬文質之君子時以爲篤
論子惲字元直性恬退有孝行年壯始補諸生親
沒後遂棄舉業專事古文辭晚年添訂古今多所纂輯
惜皆散失今所存者僅周禮義疏若干卷葉均
張魯唯字宗曉隱居孫少有異姿讀書數行俱下登萬歷
癸丑進士授刑部主事恤刑河南多所平反遷員外出
爲紹興知府爲政平易近人一切苞苴竿牘無敢入民
間有所陳白卽以寸楮符其人或請遣役曰吏下村落
狼入羊羣也絕不許兩造至庭和顏論解不煩敲扑訟
崑山新陽合志 卷二十一 人物列傳 十

者多感泣俗習溺女設義產育之越三載與藩司有違
言投劾歸天啓癸亥以家宰趙南星薦起副使分守寧
紹越人間之踴躍相慶治益務簡易管內肅然轉河南
參政督直省漕運時海內侈敝軍興旁午需東南漕輓
甚亟魯唯釐剔奸弊皆成頌畫以母憂歸軍民肖像立
祠瓜步服闋遷浙江左布政改福建致仕卒年五十七
魯唯居心寧靜於世味無所嗜獨好書雖親吏事手未
嘗釋卷筆法入古人堂與子立平痒注立廉宗禎丙子
舉人立廉子端韶諸生入太學以文名於時董志稿
蔡懋德字維立少慕王守仁爲人著管見宗良知之說舉
萬歷四十七年進士授杭州推官天啓間行取入都同

鄉顧謙謙柄國懋德不與通謙怒以故不得顯擢授
禮部儀制主事進祠祭員外郎尚書率諸司往謁魏忠
賢祠懋德托疾不赴崇禎初出爲江西提學副使好以
守正振本塞源論教諸生遷浙江右叅政分守嘉興湖
州劇盜屠阿丑有衆千餘出沒太湖懋德曰此可計擒
也悉召潁河豪家把其罪簡壯士與同發遂擒阿丑內
艱服除起井陘兵備歲旱懋德禱卽雨他鄉爭迎以禱
又輒雨調寧遠以守松山及修臺堡功數敘賚會災異
球言懋德北省過治平二疏規切君相一時咸笑爲迂
懋德好釋氏律身如苦行頭陀楊嗣昌謂其清修弱質
不宜處邊地改濟南道濟南新殘破大吏多缺人懋德
崑山新陽合志

卷二十一 人物列傳 十一

攝兩司及三道印還山東按察使河南右布政使田荒
穀貴民苦催科賊復以先服不輸租煽誘懋德亟檄
州縣停徵上疏自劾詔鑄七級視事十四年冬擢右僉
都御史巡撫山西召對賜酒饌銀幣明年春抵任討平
大盜王冕十月統兵入衛京師詔扼守龍泉關二關
李自成已陷河南懋德禦之河上十餘年冬李自成破
潼關據西安盡有三秦十二月懋德師次平陽遣副將
陳尚智扼守河津山西京師右背蒲州北抵保德悉隣
賊依黃河爲險然窮冬冰合賊騎得長驅懋德連章告
急請禁旅及保定宣府大同軍疾赴河干合拒中朝益
積憂山西言防河者甚衆然無兵可援懋德以疲卒三

千當百萬狂寇時太原洵晉王手教趣懋德還省十
八日懋德去平陽二十日賊抵河津自船窩東渡尚智
走還平陽廿二日賊攻平陽拔之尚智奔入泥源山
中二十日懋德還太原明年正月自成稱王於西安
賊既渡河轉掠河東刻城皆陷於是山西巡按御史汪
宗友上言曰晉河二千里平陽居其半撫臣懋德不待
春融冰泮遽爾返旆賊卽於明日報渡臣言宜提一旅
星馳而前張疑聲討尚冀桑榆之收無如不聽何賊日
遣僞官匝月餘郡皆失是誰之過歟汪跪撰墓誌云李
林公所屬平陽汾州皆大震遂屬巡按御史汪宗友守
太原獨提麻師三千日夜往來拒賊河上敗賊於大
慶渡再敗之風陵渡又敗之古鄉渡相拒者四閱月數
上疏請饒不報請發禁旅及大同宣府兵爲援又不報

崑山新陽合志 卷二十一 人物列傳 十一

會賊自榆林聲言寇太原於是太原復告急宗友以書
促公歸衛晉王王亦請救於公使者前後相望公不得
已三分其麾下士以二千入守平陽州親引千人馳
入太原公既歸宗友遽出走而賊遂從平陽渡河矣公
自解露章誣劾公不援平陽狀○按明史本傳前後俱
極明晰獨此處曲折未詳故別錄汪誌以備考有詔奪官候勘以郭景昌代之
二十三日尚智叛降於賊於是懋德誓師於太原布政
使趙建極監司毛文炳蒲州中畢拱辰太原知府孫康
周署陽曲事裴史範志泰等官吏軍民咸在懋德哭衆
皆哭罷官命適至或請出城候代懋德不可曰吾已辦
一死矣景昌卽至語亦與俱死調陽和兵三千協守東
門剛中慮其內應移之南關之外遣部將張雄分守新
南門召中軍副總兵應時盛入叅謀議懋德等登城三

月五日賊至城下遣部將牛勇朱孔訓王永魁出戰死之明日自成具鹵簿督衆攻城陽和兵叛降賊又明日晝晦懋德草遺表須臾大風起拔木揚沙調張雄守大南門雄已絕城出降語其黨曰城東南角樓火器火藥皆在我下卽焚樓夜中火起風轉烈守者皆散賊登城懋德北面再拜出遺表付友人賈士璋間道達京師語人曰吾學道有年已勒了死生今日吾致命時也卽自到麾下持之時盛請下城巷戰懋德曰上馬懋德上馬時盛持矛突殺賊數十人至炭市口賊騎充斥時盛呼曰出西門懋德曰吾當死封疆諸君自去衆復擁懋德上馬至水西門懋德叱曰諸君欲陷我不忠耶復下

崑山新陽合志

卷二十一 人物列傳

三

馬據地坐時盛已出城殺妻子還顧不見復斫門入語懋德曰請與公俱死遂偕至三立祠懋德就縊未絕時盛釋甲加其肩乃絕時盛取弓弦自經自懋德而下太原死事凡四十有六人賊皆尸之城上自成恨懋德之不降也驗其尸以刃斷頸而去福王時諡忠襄明長子方燿宗涵之痛父殉流賊之難絕意仕進隱居以老雖屢空不肯千人卒日貧無以殮次子方炳江南通志陳其柱字元素幼就塾三年而通經史萬歷癸丑成進士授慈谿知縣務與民休息俗故健訟每好以溫言解之邑多豪紳肆橫以禮屈服府差必由縣票方准久鄉否則繩以法六年再舉卓異入爲兵部主事尋遷武選司

郎中時魏忠賢弟姪冒溫勲廕其黨尚書王永光主之輒下司擬行其柱執會典抗不應會昌平鎮兵譁出其柱爲昌平道刻期趣行其柱單騎抵任擒渠魁而寬其脅從變遂定時所在大吏建祠媚璫其柱獨稱疾不往拜以疾告歸里居數載杜門却掃不改恬素撫臣疏薦起之已病卒年五十六董志稿

顧錫疇字九疇號瑞屏天敘子自少有聖童之目申時行器之字以長孫女旋殤年十三以儒士試南京魏國公徐時雨一見驚異以女女焉萬歷戊午舉北闕第二人四十七年成進士改庶吉士授檢討天啓四年魏忠賢勢大熾錫疇偕給事中董承業典試福建以無君無父

崑山新陽合志

卷二十一 人物列傳

古

命題程策更議刺極力會內閣魏廣微以請託不從同姓以聯誼不應傳成罪狀與江西主考丁乾學廣東主考陳子壯同時被譴已更削籍崇禎初召復故官歷遷國子祭酒疏請復積分法禮官格不行錫疇復申言之且請擇監生爲州縣長已請正聖廟從祀位號其議以瞿九思年表爲可從又請進士爲國子博士者得與考選帝並允行省親歸乞在籍終養母服除起少詹事進詹事拜禮部左侍郎署尚書事帝常召對問理財用人錫疇退列陳用人五失曰銓敘無法文網太峻議論太多資格太拘鼓舞未至請先令用人之地一清其源精心鑒別隨才器使一善也赦小過而不終廢棄二善也

省議論而專責成三善也拔異才而不拘常格四善也
急獎勵而寬督責五善也末極陳耗財之弊仍歸本於
用人帝善其奏楊嗣昌疏言流寇宜撫不宜勦有樂天
者保天下及善戰者服止刑語錫疇抗言此諸侯交隣
事稱引不倫與嗣昌大忤嗣昌奪情秉政諸辭臣多攻
之嗣昌頗疑錫疇會駙馬都尉王昺有罪錫疇擬輕典
嗣昌搆之遂削其籍十五年廷臣交薦召還御史曹溶
給事中黃雲師復言其不當用帝不聽起為南京禮部
左侍郎福王立進本部尙書時尊福恭王為恭皇帝將
議廟祀錫疇請別立專廟俄請遣使北行祭告陵寢奠
安帝后梓宮訪求東宮二王的耗又請補建文帝廟諡
崑山新陽合志 卷二十一 人物列傳 五

景皇帝廟號及建文朝忠臣方孝孺等正德朝諫臣蔣
欽等忤諸臣左光斗等殉難諸臣范景文等諸生許
琰布衣湯文瓊等宜加贈諡並從之東平伯劉澤清言
宋高宗卽位南京卽以靖康二年五月為建炎元年從
民望也乞以今歲五月為宏光元年錫疇言明詔已頒
不可追改乃已大行皇帝廟號思宗析城伯趙之龍言
思非美稱援証甚核錫疇亦以為然疏請改定大學士
高宏圖以前議自己出力持之遂寢溫體仁之卒也特
諡文忠而文震孟羅喻義姚希孟呂維祺劉一燝皆不
獲諡錫疇言體仁得君行政最專且久其負先帝罪大
且深乞將文忠之諡或削或改而補震孟諸臣庶天下

有所勸懲報可遂諡諸人削體仁諡吏部尙書張慎言
法位代者徐石麟未至命錫疇攝之時馬士英當國錫
疇雅不與洽給事中張旺震熊汝霖劾之遂乞祭南海
法明洋塔御史張孫振力頌體仁功請復故諡遂勒錫
疇致仕南鄉失守錫疇鄉邑亦破時方遭父喪間聞赴
閩唐汪論以故官力辭不拜寓居温州江心寺總兵賀
君堯捷辱諸生錫疇將論劾君堯夜使人殺之投尸於
江溫人覓之三日尸僵立水中乃得棺殮立碑文信國
祠祀之所諸有端書講意正史約典禮奏疏約言文稿
文匯古學彙纂秦漢鴻文四大家選國朝制義等書行
世

崑山新陽合志 卷二十一 人物列傳 六

葉重華字德元號香城文莊公盛六世孫崇禎戊辰進士
授工部主事歷禮部郎中出為浙江叅議改分守河南
睢陳遷山東副使分巡濟寧歲早大饑捐俸設糜賑之
流寇李青山劫奪漕艘山左震動重華與總督張國維
討之擒賊計入轉濱陳分巡惠潮值姜世英寇潮會兩
省官兵搗其巢世英力困就縛乃賄權要冀以降入例
得官重華時年可中夜屏人奏記制府詰旦設備引之
入覲併其黨妻太頭等驅出斬之市入權標鬻其肉立
盡陞廣西按察使未赴卽轉太常寺少卿謝歸不復出
卒年六十九所著詩有舊存稿僅存稿傳於世齊魯間
並以名宦祠之予五方升方至方恒方藹方蔚

府志參
董志稿

朱天麟字游初世居吳江為農家天麟幼好學家貧無父從師年十歲隨父之黎里道士陸逸菴者舊戚也欲留之讀書父不可攜歸越二日天麟潛附鸞薪舟往家人促之還曰吾詎肯以農夫沒世乎逸菴亦勸學甚力延名師教之八年而學成胥於崑山沈氏遂以崑籍補諸生崇禎元年成進士授饒州推官南惠政考選入都貧不能行賂擬授武選主事帝御經筵講官並為稱屈及臨軒親試乃改翰林編修充日講官十七年正月奉命祭淮至抵山東而京師陷及南都被天麟方家居與邑人謀固守城潰後挈家南行浮海至福州唐王擢少詹事署國子監事天麟見鄭芝龍跋扈乞假至廣東聞

崑山新陽合志

卷二十一 人物列傳 七

州變又走廣西入安平土州丁亥永明王居武岡以禮部侍郎召天麟疏請王自將倡率諸鎮毋坐失事機辭不至明年王在南寧懼禮部尚書尋拜東閣大學士天麟請親率土兵畧江右不聽乃趨謁王會李成棟奉王駐肇慶天麟謂事機可乘復勸王亟領親征詔規取中原王雖優詔答之卒不能行是時朝臣各樹黨援左都御史袁彭年副都御史劉湘客吏科都給事中丁時魁

閣中票擬輒與不合

己丑正月時魁遂率言官十六人詣閣詆天麟至登殿

陸大輝棄官擲印而出天麟遂辭位王慰留再三不可陸辭叩頭泣王亦泣曰卿去余益孤矣天麟移居慶遠庚寅春王復召天麟天麟疏言年來百爾搆爭盡壞實事昔宋高宗航海猶有退步今則何地可退當奮然自將文武諸臣盡撥甲冑臣亦抽劍討賊上豪募冰手經畧嶺北湖南為師軍倡時大兵已逼舉朝皇皇進退失據天麟不得已請經畧左右兩江王司以勸勤王之助兵未集而大兵逼南寧王倉皇出走天麟扶病從之壬申四月抵廣南王已先駐安龍天麟病劇不能入觀八月卒於西坂村王聞震悼贈少保建極殿大學士諡文靖子宿垣字日生初授大理評事遷御史先卒斗

崑山新陽合志

卷二十一 人物列傳 七

垣字月生授行人奉命冊鞏昌王白文選行至板橋孫可望部下張勝犯蹕抗節死贈兵科給事中明史參案均舊傳附駙馬都尉一以鄂景和崑山以嘉靖二年尚孝宗女永福公主當奉詔宜西苑撰元文以不諳沅理辭帝不悅時有事清馥殿在直諸臣俱行齋祝禮景和不受禮成而出已而賞資諸臣景和與焉疏言無功受賞懼增罪戾乞容辭免俾洗心滌慮以効他日馬革裹尸之報帝大怒謂詛咒失人臣禮削職歸源籍時主已薨矣三十五年入賀聖誕畢因言臣自五世祖寄籍錦衣衛世居北地今被罪南徙不勝犬馬之私狀服以賀退而私省公生墳墓荆棘不



剪逝者魂魄相弔數千里外不得春秋祭掃捐心傷悼
惟陛下幸哀故主使得寄籍原衛長與相依帝隣而許
之隆慶二年復官卒贈少保諡榮簡明史○舊志載然景和實賢者以無類可入附見有明諸臣之末

本朝

○葉方藹字子吉號初菴文莊公盛七世孫重華子年十

二補諸生順治丁酉領鄉薦科場議起覆試

御定第八已亥試瀛臺賦復第一秋滇南底定舉會試方

萬獲雋廷試第三人授編修屢蒙

世祖章皇帝召對江南奏銷案起籍注欠銀一釐坐罷歸

尋起上林苑蕃育署丞事白復原官康熙甲辰充會試

崑山新陽合志

卷二十一

人物列傳

九

同考官請終養母喪服闋赴補癸丑

御試翰林諸臣河源考南苑賦大閱應制詩方藹擢第一

充日講起居注官夏 賜宴瀛臺方藹製八箴以獻

聖祖大悅尋 命撰太極圖說 賜貂裘文綺遷國子司

業悉汰陋規歷左春坊左庶子侍讀學士充孝經衍義

總裁時

聖學緝熙非大寒暑不輟講故事講官率以大臣二員日

直為常

上特以屬方藹蓋異數也尋入直南書房總裁皇輿表鑒

古輯覽充 經筵講官晉掌院學士已未主會試甄拔

孤寒謝絕請託入服其公 詔舉博學宏詞 特命校

閱試卷宿學無不揀選充明史總裁加禮部尚書管刑
部右侍郎事多所平反卒於官年五十四

上聞軫卹賜祭葬諡文敏方藹自為舉子即受

世祖知遇中更變故迴翔詎有餘年康熙中躋登清要館

閣之士多出其門然潔清自矢苞直不行卒之日以二

板扉為卧榻四壁支之布帳多補綴無以為殮見者感

泣所著有飢齋集若干卷錄近代名家詩曰獨賞集子

淳孫均禧別有傳季子澂字正叔辟西廨送副榜以文

學稱纂徐康義徐家進金華字以中徐家進金華字以中

○徐乾學字原一號健菴夙歲能文為顧錫疇所知十三

通經史五官並用過不忘為諸生即慨然有志當世

崑山新陽合志

卷二十一

人物列傳

三

選貢入太學康熙庚戌進士第三人及第授編修進右

贊善歷陞侍講學士詹事內閣學士教習庶吉士轉禮

部侍郎請崇節儉辦等威停歲貢廷試革鄉試卷解部

科費又請禁滿洲官喪踰三月釋服及演戲舉殯皆報

可朝鮮使者鄭載嵩訴其國王受枉語頗悖乾學謂且

長外藩跋扈明疏劾其失辭不敵獨宜以大義責王

上曰此奏有關國體已而其王震怒謝罪奉 命總裁二

統志會典明史及鑒古輯覽古文淵鑒尋充 經筵講

官數陳經義

上每動容會議廷推多持正不肯苟同閩越虛市向用古

錢大吏入告請當窮根株乾學言自昔皆古今錢兼行

從民便也考前代已行事爲議以獻

上深然之陞都察院左都御史劾罷江西河南兩巡撫及

山西甘肅總兵官時方分南北黨乾學拜命日語諸

御史惟當知有國不知有身斷苞苴絕欺蔽整肅臺綱

宣示天下又謂進言當識其重若毛舉細故以求稱塞

非所望也於是悉倚乾學彈劾不避而重足側目者多

矣在臺五月充戊辰會試總裁卽闈中轉刑部尚書甫

就職會湖廣巡撫張汧以罪被逮誣乾學嘗通賄事白

上疏乞歸

上不聽去令解部事仍領各館總裁明年子樹穀燭考選

科道有名上用樹穀而副都御史許三禮許奏乾學乃

崑山沂陽合志

卷二十一 人物列傳

三

力求歸

上命攜一統志宋元通鑑卽家編輯抵家一年而總督傅

臘塔疏論其子姪家人居鄉不法初故明死事巡撫朱

之馮子敦厚知濰縣爲其縣丞許告當死乾學嘗言於

朝曰忠臣子也至是獄具亦連及乾學遂落職時借他

事齟齬者不已會有

旨飭內外各官毋得牽連傾軋事稍解尋病卒年六十四

卒後四日有

旨召用已不及矣遺疏入復原官乾學自爲翰林詩賦詞

頌無不稱

旨居內閣凡制誥文章代言諸作皆出其手錫賚便蕃

後與有力者不相下雖迭遭傾陷而恩眷不衰病士

子治經義軌轍苟且與弟秉義以古學倡方壬子主順

天試苦心搜閱拔韓炎於遺卷中明年葵遂魁天下文

體爲之一變居母憂時以近世喪葬禮闕不講輯讀禮

通考一百三十卷詳備爲古所未有構傳是樓藏書數

萬卷漢唐以來先儒經解靡不耽搜鉅板以行其說得

諸舅氏顧炎武者居多嘗言學問貴有根柢浮詞勦說

最足誤人爲文開合變化地負海涵卒歸於安適生平

敦兄弟之好急友朋之難尤勤於獎進人物海內之士

輻輳其門揮斥金錢毫無吝惜名高招忌亦由是也所

著有憺園集歷代宗廟考輿地備考輿地紀要共若干

崑山新陽合志

卷二十一

人物列傳

三

卷子五樹穀燭樹敏樹屏駿燭樹屏別有傳樹穀字藝

初康熙乙丑進士授中書舍人擢山東道監察御史疏

請修三朝國史條陳便宜五事皆見施行巡視南城

不畏強禦俸滿當調遂歸樹敏字師魯沉潛經史工文

章丁卯頌鄉薦會乾學落職媒孽者牽及樹敏下獄事

白得釋癸未成進士授安陽令穿萬金渠表蕭烈婦修

舉廢墜尋以驛站事罷歸卒所著有史斷詩文集若干

卷駿字觀卿幼穎悟康熙癸巳進士選庶吉士以狂傲

爲人中傷坐謫訕死所著有石帆軒詩

纂韓炎狀
衆家述

○徐秉義字彥和號果亭幼凝重十歲攻舉子業初名與

儀補太倉諸生奏銷黜籍例入太學改今名康熙己酉

中順天鄉試癸丑舉禮部殿試第三人授編修時弟元文方由祭酒進掌院教習庶吉士以秉義在列疏辭

上特免秉義教習元文任院事如故乙卯典試浙江蒐羅盡名士陞中允念兄弟並在華省深懷謙退移病歸杜

門著述久之兄弟相繼歿三十三年以史館纂修徵入授左中允四遷至詹事充一統志律例諸館總裁仍與

韓莢同領代言之任試萬壽無疆賦宋高宗論稱

旨陞吏部右侍郎仍兼詹事遇事有執守奉命與刑部

侍郎綏色往勘山陝鹽商案事竣覆奏

上以獻擬失當詰責處分同僚謂聖意怒緩專斷第據

實奏辦可免秉義云與人同事而獨避其咎我不爲也

崑山新陽令志

卷二十一 人物列傳

部議落職

上稔知其誠謹命止解吏部侍郎壬午典順天試得士如

浙遷內閣學士兼禮部侍郎疾作告歸乙酉

上南巡幸山園

御書恭謹老成賜之卒年七十九秉義通籍後半家居與

人和易亮直即忌其兄弟素修隙者亦稱道其長厚云

所著有培林堂集二十卷代言集詩集經進集別集共

若干卷經學志餘六卷子樹閣字成修景東府同知陞

開化知府五任牧守以清勤稱

新府志
參家述

○徐元文字公肅號立齋自少端重與兄乾學秉義爲古

學相切劘順治十六年舉禮部廷試第一授修撰其被

恩遇江南奏銷案起奸胥竄名其中謫鑒儀衛經歷居

四年事白丁外艱歸康熙八年補原官進侍讀典陝西

試所拔皆寒畯遷國子監祭酒以養士莫大於大學極

士陳納粟之弊請准順治間例令直省各學選文行兼優

者及每科鄉試副榜送監肄業者爲令又請官學生與

監廩分缺並用在監四年與人材崇教化

上嘗語閣臣徐元文爲祭酒嚴肅滿洲至今畏之後來者

安得及此進內閣學士改翰林掌院學士教習庶吉士

丁內艱歸十八年召監修明史請徵遺獻舉興化李清

餘姚黃宗義嘉興曹溶江都汪懋麟溫陵黃虞稷慈谿

姜宸英鄞縣萬斯同等部議不許

崑山新陽令志

卷二十一 人物列傳

上特從之清宗義溶以老不至各上所著書時未有學士

缺仍改內閣學士元文在內閣遇事當言輒白九卿會

推江西按察使有舉興泉道張仲舉者御史唐朝彝力

言仲舉在閩無善狀科道疏劾朝彝副都御史李仙根

給事李宗孔不署名并劾之部議鶚仙根宗孔級朝彝

革職爰奏言會推本欲容之廷論今處分若此卽將

來所舉非入誰敢駁正

上曰善免其處分元文又言免者有罪之謂也今諸臣實

無罪但云不必處分則所全多矣從之十九年起拜左

都御史時滇孽將平元文疏陳善後之宜且言三叛虐

政在粵者五曰鹽埠渡稅總店市舶漁課在閩者四曰